



বাংলাদেশ মাদ্রাসা শিক্ষা বোর্ড, ঢাকা

২ অরফ্যানেজ রোড, বকশিবাজার, ঢাকা-১২১১

www.bmeb.gov.bd www.ebmeb.gov.bd



২০২৩ সালের দাখিল পরীক্ষার ফরম পূরণের বিজ্ঞপ্তি

স্মারক নং-বামাশিবো/পৱী/দাখিল-২০২৩/৩৮৮

তারিখ: ২৭ অগ্রহায়ণ, ১৪২৯
১২ ডিসেম্বর, ২০২২

এতদ্বারা বাংলাদেশ মাদ্রাসা শিক্ষা বোর্ড, ঢাকা এর আওতাধীন সকল মাদ্রাসা প্রধান এবং সংশ্লিষ্ট সকলকে জানানো যাচ্ছে, অত্র বোর্ডের অধীনে ২০২৩ সালে অনুষ্ঠিতব্য দাখিল পরীক্ষার Online এ ফরম পূরণ ও প্রয়োজনীয় ফি জমা দেওয়ার তারিখ, ফি এর হার ও নিয়মাবলি নিম্নে উল্লেখ করা হলো।

প্রতিষ্ঠানে একই নামে একাধিক ছাত্র/ছাত্রী থাকতে পারে। সে ক্ষেত্রে ফরম পূরণের সময় তাদের রেজিস্ট্রেশন নম্বর, ছবি ও পিতা-মাতার নাম মিলিয়ে পরীক্ষার্থী সনাক্ত করতে হবে। এর ব্যত্যয় ঘটলে প্রতিষ্ঠান প্রধান দায়ি থাকবেন।

- ১। **Online** এ শিক্ষার্থীদের সম্ভাব্য তালিকা (**Probable List**) প্রদর্শন: শিক্ষার্থীদের তথ্য সম্বলিত সম্ভাব্য তালিকা মাদ্রাসা শিক্ষা বোর্ডের ওয়েবসাইট (www.ebmeb.gov.bd) এ ১৫/১২/২০২২ তারিখে দেওয়া হবে। উক্ত সম্ভাব্য তালিকা হতে ১৮/১২/২০২২ থেকে ০৪/০১/২০২৩ তারিখের মধ্যে Online এ নিম্নবর্ণিত প্রক্রিয়ায় ফরম পূরণ (**eFF**) সম্পন্ন করতে হবে।
 - (ক) প্রতিষ্ঠানসমূহকে মাদ্রাসা শিক্ষা বোর্ডের ওয়েবসাইটে প্রবেশ করে **eFF** এ ক্লিক করে **EIIN** ও **Password** দিয়ে **Login** করে **Probable List** এ যেতে হবে এবং **Print** করে হার্ডকপিতে লালকালি ব্যবহার করে টিক চিহ্ন দিয়ে পরীক্ষার্থী নির্ধারণ করতে হবে।
 - (খ) উক্ত হার্ডকপি **Probable List** এ টিক চিহ্নিত পরীক্ষার্থীর তথ্য মিলিয়ে কম্পিউটারে প্রদর্শনকৃত **Probable List** থেকে **Select** করতে হবে।
 - (গ) **Temporary List Print** করে ভালোভাবে যাচাইবাছাই করে প্রয়োজন হলে **Select/Unselect** করা যাবে।
 - (ঘ) এরপর **TT Silp Print** করতে হবে। নিকটস্থ সোনালী ব্যাংকের শাখায় (যে শাখায় সোনালী সেবা চালু আছে) **TT Silp** এ উল্লিখিত পরিমাণ টাকা জমা প্রদান করতে হবে। উল্লেখ্য, **TT Silp Print** করলে আর কোন অবস্থাতেই **Select/Unselect** করা যাবে না।
 - (ঙ) ফি এর টাকা ব্যাংকে জমা দেওয়ার ২৪ ঘণ্টার মধ্যে **Final Candidate List Print Active** হবে।
 - (চ) **Final Candidate List Print** করে পরীক্ষার্থীর স্বাক্ষর গ্রহণ করতে হবে এবং প্রতি পৃষ্ঠায় মাদ্রাসা প্রধান স্বাক্ষর করবেন।
 - (ছ) প্রয়োজন হলে শিক্ষা প্রতিষ্ঠান নির্ধারিত সময়ের মধ্যে অবশিষ্ট ছাত্র/ছাত্রীদের মধ্যে থেকে ফরম পূরণের কাজ একইভাবে সম্পন্ন করতে পারবে।
 - (জ) বিলম্ব ফি সহ ০৭/০১/২০২৩ হতে ০৯/০১/২০২৩ পর্যন্ত অনলাইনে ফরম পূরণ (**eFF**) করা যাবে।
- ২। পরীক্ষার্থীর স্বাক্ষর সম্বলিত প্রিন্ট কপি শিক্ষা প্রতিষ্ঠানে ১ (এক) কপি সংরক্ষণ করতে হবে।

৩। ফি জমার সর্বশেষ তারিখ: বিলম্ব ফি ছাড়া ৫ জানুয়ারি ২০২৩ এবং বিলম্ব ফিসহ ১০ জানুয়ারি ২০২৩ পর্যন্ত

ক্রমিক	কাজের বিবরণ	তারিখ
(ক)	রেজিস্ট্রেশন এর মেয়াদ থাকা সাপেক্ষে জিপিএ উন্নয়ন পরীক্ষার্থীসহ আবশ্যিক ও নৈর্বাচনিক/ঐচ্ছিক বিষয়/বিষয়সমূহে এক থেকে চার বিষয়ে ২০২২ সনের অকৃতকার্য পরীক্ষার্থীগণের ২০২৩ সনের দাখিল পরীক্ষায় অকৃতকার্য বিষয়/বিষয়সমূহে অংশগ্রহণের জন্য নিজ নিজ শিক্ষা প্রতিষ্ঠান প্রধান বরাবর সাদা কাগজে আবেদন করার শেষ তারিখ:	১৫/১২/২০২২
(খ)	অনলাইনে ফরমপূরণ বিলম্ব ফি ছাড়া	১৮/১২/২০২২ হতে ০৪/০১/২০২৩
(গ)	বিলম্ব ফি ছাড়া অনলাইনে ফি জমা দেয়ার শেষ তারিখ:	০৫/০১/২০২৩
(ঘ)	বিলম্ব ফি সহ অনলাইনে ফরমপূরণ	০৭/০১/২০২৩ হতে ০৯/০১/২০২৩
(ঙ)	পরীক্ষার্থী প্রতি ১০০.০০ (একশত) টাকা হারে বিলম্ব ফিসহ অনলাইনে ফি জমা দেওয়ার শেষ তারিখ:	১০/০১/২০২৩

[Handwritten signatures and marks]

৪। (ক) ফি এর হার:

পরীক্ষার্থীর ধরণ	পরীক্ষার ফি (পত্র প্রতি)	ব্যবহারিক পরীক্ষার ফি (পত্র প্রতি)	একাডেমিক ট্রান্সক্রিপ্ট ফি (পরীক্ষার্থী প্রতি)	মূল সনদ ফি (পরীক্ষার্থী প্রতি)	অনিয়মিত ফি (পরীক্ষার্থী প্রতি)	অনুমতি ও তালিকা ভুক্তি ফি (পরীক্ষার্থী প্রতি)	বয় স্কাউট/গার্লস গাইড ফি (পরীক্ষার্থী প্রতি)	জাতীয় শিক্ষা সপ্তাহ ফি (পরীক্ষার্থী প্রতি)	বার্ষিক ক্রীড়া এফিলিয়েশন ফি (শিক্ষা প্রতিষ্ঠান প্রতি)
১	২	৩	৪	৫	৬	৭	৮	৯	১০
নিয়মিত পরীক্ষার্থী	১১০.০০	৩০.০০	৩৫.০০	১০০.০০	X	X	১৫.০০	৫.০০	৩০০.০০
অনিয়মিত পরীক্ষার্থী (যারা ইতোপূর্বে পরীক্ষায় অংশগ্রহণ করেনি)	১১০.০০	৩০.০০	৩৫.০০	১০০.০০	১০০.০০	X	১৫.০০	৫.০০	
অনিয়মিত পরীক্ষার্থী (যারা ইতোপূর্বে পরীক্ষায় অংশগ্রহণ করেছে)	১১০.০০	৩০.০০	৩৫.০০	X	১০০.০০	X	১৫.০০	৫.০০	
জিপিএ উন্নয়ন পরীক্ষার্থী	১১০.০০	৩০.০০	৩৫.০০	১০০.০০	X	১০০.০০	১৫.০০	৫.০০	

(খ) কেন্দ্র ফি (কেন্দ্রে জমা দিতে হবে):

- ০১ (এক) থেকে ০৪ (চার) বিষয়ে অকৃতকার্য পরীক্ষার্থীসহ সকল প্রকার পরীক্ষার্থী যাদের ব্যবহারিক পরীক্ষা নেই পরীক্ষার্থী প্রতি ৪০০.০০ (চারশত) টাকা।
- ০১ (এক) থেকে ০৪ (চার) বিষয়ে অকৃতকার্য পরীক্ষার্থীসহ সকল প্রকার পরীক্ষার্থী যাদের ব্যবহারিক পরীক্ষা আছে পরীক্ষার্থী প্রতি ৪৫০.০০ (চার) শত পঞ্চাশ) টাকা।
- দাখিল পরীক্ষার ব্যবহারিক উত্তরপত্র মূল্যায়ন ফি (অভ্যন্তরীণ ও বহিরাগত পরীক্ষকদের জন্য) পত্র প্রতি ১০/- (দশ) টাকা। ব্যবহারিক পরীক্ষার উত্তরপত্র মূল্যায়ন ও আনুষঙ্গিক কর্মসম্পাদনের পর পরই কেন্দ্রসচিব ব্যবহারিক উত্তরপত্র মূল্যায়ন ফি বাবদ আদায়কৃত অর্থ হতে অভ্যন্তরীণ পরীক্ষককে উত্তরপত্র প্রতি ৫/- (পাঁচ) টাকা এবং বহিরাগত পরীক্ষককে উত্তরপত্র প্রতি ৫/- (পাঁচ) টাকা হারে সম্মানী/পারিশ্রমিক পরিশোধ করবেন। উল্লেখ্য, এ বিষয়ে বোর্ড টিএ/ডিএ বা উত্তরপত্র মূল্যায়ন বাবদ কোন প্রকার সম্মানী প্রদান করবে না। তথ্য ও যোগাযোগ প্রযুক্তি বিষয়ের ব্যবহারিক পরীক্ষা স্ব-স্ব প্রতিষ্ঠানে অনুষ্ঠিত হবে, এ ক্ষেত্রে ব্যবহারিক ফি ২৫ (পঁচিশ) টাকা হবে, যার বিভাজন কেন্দ্র ০৭ (সাত) টাকা ও প্রতিষ্ঠান ১৮ (আঠারো) টাকা হবে।

(গ) নিয়মিত পরীক্ষার্থীদের ফরম পূরণের মোট ফি:

বিজ্ঞান বিভাগ (নিয়মিত) (ঐচ্ছিক বিষয়সহ)	সাধারণ, মুজাব্বিদ ও হিফজুল কুরআন বিভাগ (নিয়মিত) (ঐচ্ছিক বিষয়সহ)
১। বোর্ড ফি (প্রযোজ্য ক্ষেত্রে ব্যবহারিক ফিসহ) ১৮১৫.০০ টাকা	১। বোর্ড ফি (প্রযোজ্য ক্ষেত্রে ব্যবহারিক ফিসহ) ১৬১৫.০০ টাকা
২। কেন্দ্র ফি (প্রযোজ্য ক্ষেত্রে ব্যবহারিক ফিসহ) ৪৯০.০০ টাকা	২। কেন্দ্র ফি (প্রযোজ্য ক্ষেত্রে ব্যবহারিক ফিসহ) ৪১০.০০ টাকা
২৩০৫.০০ টাকা	২০২৫.০০ টাকা

(ঘ) বিলম্ব ফি: পরীক্ষার্থী প্রতি ১০০.০০ টাকা।

(ঙ) পরীক্ষার্থীদের বেতন ও সেশনচার্জ ৩১ ডিসেম্বর-২০২২ পর্যন্ত পরিশোধ করতে হবে। কোনক্রমেই পরীক্ষার্থীদের ২০২৩ সালের বেতন ও সেশনচার্জ নেয়া যাবে না অর্থাৎ কোন শিক্ষার্থীর নবম ও দশম শ্রেণির সর্বমোট ২৪ মাসের বেশি বেতন ও সেশনচার্জ নেয়া যাবে না।



৫. নিয়মিত পরীক্ষার্থী:

২০২১-২০২২ সেশনের রেজিস্ট্রেশনধারী শিক্ষার্থীরা ২০২৩ সালের দাখিল পরীক্ষায় নিয়মিত পরীক্ষার্থী হিসেবে অংশগ্রহণ করবে।

৬। অনিয়মিত পরীক্ষার্থী:

- (ক) ২০১৯-২০২০ এবং ২০২০-২০২১ সেশনের রেজিস্ট্রেশনধারী শিক্ষার্থী যারা ২০২১ এবং ২০২২ সালের দাখিল পরীক্ষায় অংশগ্রহণ করেনি, স্ব-স্ব শিক্ষা প্রতিষ্ঠানের মাধ্যমে তারা অনিয়মিত পরীক্ষার্থী হিসেবে ২০২৩ সালের দাখিল পরীক্ষায় অংশগ্রহণ করতে পারবে। তাদেরকে কোন অবস্থাতেই নিয়মিত পরীক্ষার্থী হিসেবে গণ্য করা যাবে না।
- (খ) ২০২২ সালের দাখিল পরীক্ষায় সকল বিষয়ের অংশগ্রহণকারী পরীক্ষার্থীদের মধ্যে ঐচ্ছিক বিষয় বাদে ০১ (এক) থেকে ০৪ (চার) বিষয়ে অকৃতকার্য পরীক্ষার্থীরা রেজিস্ট্রেশন এর মেয়াদ থাকলে অনিয়মিত পরীক্ষার্থী হিসেবে ২০২৩ সালের দাখিল পরীক্ষায় অকৃতকার্য বিষয়/বিষয়সমূহে অংশগ্রহণ করতে পারবে। তারা ইচ্ছা করলে সকল বিষয়ে পরীক্ষায় অংশগ্রহণ করতে পারবে।
- (গ) ২০২১ সালের দাখিল পরীক্ষায় ঐচ্ছিক বিষয় বাদে এক থেকে তিন বিষয়ে অকৃতকার্য পরীক্ষার্থীদের মধ্যে যারা ২০২২ সালের দাখিল পরীক্ষায় অংশগ্রহণ করেনি বা অংশগ্রহণ করে পুনরায় এক বা একাধিক বিষয়ে অকৃতকার্য হয়েছে, রেজিস্ট্রেশন এর মেয়াদ থাকলে তারা অনিয়মিত পরীক্ষার্থী হিসেবে ২০২৩ সালের দাখিল পরীক্ষায় পূর্বের অকৃতকার্য বিষয়/বিষয়সমূহে অথবা সকল বিষয়ে অংশগ্রহণ করতে পারবে। আংশিক বিষয়ে অংশগ্রহণে ইচ্ছুক পরীক্ষার্থীরা ঐচ্ছিক বিষয়ে পরীক্ষা দিতে পারবে।
- (ঘ) রেজিস্ট্রেশন নবায়ন করে পরীক্ষায় অংশগ্রহণ:
২০১৮-২০১৯ সেশনের রেজিস্ট্রেশনধারী শিক্ষার্থীগণ যাদের রেজিস্ট্রেশন এর মেয়াদ শেষ অথচ ঐচ্ছিক বিষয় বাদে এখনো এক বিষয়ে অকৃতকার্য আছে সে সকল শিক্ষার্থী বিশেষ বিবেচনায় রেজিস্ট্রেশন এর মেয়াদ কেবলমাত্র এক বছরের জন্য নবায়ন করে ২০২৩ সালের দাখিল পরীক্ষায় অনিয়মিত পরীক্ষার্থী হিসেবে অকৃতকার্য বিষয়ে অংশগ্রহণ করতে পারবে। উপরে খ থেকে ঘ এ উল্লিখিত পরীক্ষার্থীদের পূর্বে উত্তীর্ণ বিষয়/বিষয়সমূহের প্রাপ্ত জিপি সংরক্ষিত থাকবে। ২০২৩ সালের পরীক্ষায় তাদের অংশগ্রহণকৃত বিষয়/বিষয়সমূহের জিপি/পূর্বে উত্তীর্ণ বিষয়/বিষয়সমূহের সংরক্ষিত জিপিএর সাথে যোগ করে তাদের জিপিএ নির্ণয় করা হবে।

৭। জিপিএ উন্নয়ন:

কেবল ২০২২ সালের দাখিল পরীক্ষায় সকল বিষয়ে অংশগ্রহণ করে উত্তীর্ণ হয়েছে এবং জিপিএ ৫.০০ এর কম পেয়েছে এমন পরীক্ষার্থীরা রেজিস্ট্রেশন এর মেয়াদ থাকলে ২০২৩ সালের পরীক্ষায় জিপিএ উন্নয়নের জন্য অংশগ্রহণ করতে পারবে। তাদেরকে সকল বিষয়ে পরীক্ষায় অংশগ্রহণ করতে হবে। ২০২৩ সালের পরীক্ষায় এদের জিপিএ উন্নয়ন হলে তা গ্রহণ করা হবে। অন্যথায় পূর্বের জিপিএ বহাল থাকবে। জিপিএ উন্নয়ন পরীক্ষার্থীকে পূর্বের পরীক্ষার প্রবেশপত্র এবং একাডেমিক ট্রান্সক্রিপ্ট এর সত্যায়িত ফটোকপি প্রিন্ট কপির সাথে জমা দিতে হবে।

৮। বহিষ্কৃত পরীক্ষার্থী:

বহিষ্কৃত পরীক্ষার্থীদের শান্তির মেয়াদ উত্তীর্ণ হয়ে থাকলে এবং রেজিস্ট্রেশন এর মেয়াদ থাকলে তারা ২০২৩ সালের দাখিল পরীক্ষায় অনিয়মিত পরীক্ষার্থী হিসেবে অংশগ্রহণ করতে পারবে। তাদেরকে সকল বিষয়ে পরীক্ষায় অংশগ্রহণ করতে হবে।

৯। ঐচ্ছিক বিষয়ের সুবিধা:

২০১৯-২০২০ এবং ২০২০-২০২১ সেশনের রেজিস্ট্রেশনধারী পরীক্ষার্থীরা ২০২১ ও ২০২২ সালের দাখিল পরীক্ষায় অংশগ্রহণ না করে থাকলে অনিয়মিত পরীক্ষার্থী হিসেবে ঐচ্ছিক বিষয়সহ সকল বিষয়ে ২০২৩ সালে পরীক্ষা দিলে ঐচ্ছিক বিষয়ের সুবিধা পাবে এবং ২০১৯-২০২০ ও ২০২০-২০২১ সেশনের রেজিস্ট্রেশনধারী পরীক্ষার্থীরা যারা ২০২১ ও ২০২২ সালের দাখিল পরীক্ষায় সকল বিষয়ে অংশগ্রহণ করে ঐচ্ছিক বিষয়ে উত্তীর্ণ হয়েছে এবং ০১ (এক) থেকে ০৪ (চার) বিষয়ে অকৃতকার্য হয়েছে ২০২৩ সালের দাখিল পরীক্ষায় পূর্বের অকৃতকার্য বিষয়/বিষয়সমূহে অংশগ্রহণ করে উত্তীর্ণ হলে তারা ঐচ্ছিক বিষয়ের সুবিধা পাবে।

১০। পাঠ্যসূচি:

(ক) ২০২৩ সালের দাখিল পরীক্ষার পুনর্বির্ন্যাসকৃত সিলেবাস অনুযায়ী প্রণীত প্রশ্নপত্রে শিক্ষার্থীরা (নিয়মিত, অনিয়মিত ও মানোন্নয়ন) পরীক্ষায় অংশগ্রহণ করবে। ২০২৩ সালের দাখিল পরীক্ষা সকল বিষয়ে পূর্ণ সময় ও পূর্ণ নম্বরে অনুষ্ঠিত হবে।

- (খ) সকল শিক্ষাবর্ষের শিক্ষার্থীর ক্ষেত্রে শারীরিক শিক্ষা, স্বাস্থ্য বিজ্ঞান ও খেলাধুলা (১৪২) এবং ক্যারিয়ার শিক্ষা (১৪৫) বিষয়সমূহ এনসিটিবি এর নির্দেশনা অনুসারে ধারাবাহিক মূল্যায়নের মাধ্যমে প্রাপ্ত নম্বর শিক্ষা প্রতিষ্ঠানসমূহ সংশ্লিষ্ট কেন্দ্রকে সরবরাহ করবে। সংশ্লিষ্ট কেন্দ্র ব্যবহারিক ও মৌখিক পরীক্ষার (প্রযোজ্য ক্ষেত্রে) নম্বরের সাথে ধারাবাহিক মূল্যায়নে প্রাপ্ত নম্বর অনলাইনে প্রেরণ করবে।

চেয়ারম্যান মহোদয়ের অনুমোদনক্রমে

মোঃ কামাল উদ্দিন
পরীক্ষা নিয়ন্ত্রক

বাংলাদেশ মাদ্রাসা শিক্ষা বোর্ড, ঢাকা
ফোনঃ ৫৮৬১০২০২, ফ্যাক্সঃ ৫৮৬১৭৯০৮
E-mail: controller@bmeb.gov.bd

স্মারক নং-বামাশিবো/পরী/দাখিল-২০২৩/৩৮৮

তারিখ: ২৭ অগ্রহায়ণ, ১৪২৯
১২ ডিসেম্বর, ২০২২

সদয় অবগতি ও প্রয়োজনীয় কার্যার্থে অনুলিপি প্রেরিত হলো (জ্যেষ্ঠতার ভিত্তিতে নয়) :

১. সচিব, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
২. মহাপরিচালক, মাদ্রাসা শিক্ষা অধিদপ্তর, ঢাকা।
৩. মাননীয় শিক্ষা মন্ত্রীর একান্ত সচিব, শিক্ষা মন্ত্রণালয়, বাংলাদেশ সচিবালয়, ঢাকা।
৪. মাননীয় শিক্ষা উপমন্ত্রীর একান্ত সচিব, শিক্ষা মন্ত্রণালয়, বাংলাদেশ সচিবালয়, ঢাকা।
৫. জেলা প্রশাসক (সকল)।
৬. উপজেলা নির্বাহী অফিসার (সকল)।
৭. জেলা শিক্ষা অফিসার (সকল)।
৮. সিনিয়র সিস্টেম এনালিস্ট (চ.দা.), বাংলাদেশ মাদ্রাসা শিক্ষা বোর্ড, ঢাকা।
৯. ব্যবস্থাপক, সোনালী ব্যাংক লিমিটেড, বিএমইবি শাখা, ঢাকা।
১০. সকল কর্মকর্তা, বাংলাদেশ মাদ্রাসা শিক্ষা বোর্ড, ঢাকা।
১১. প্রোগ্রামার, আইসিটি সেল, বাংলাদেশ মাদ্রাসা শিক্ষা বোর্ড, ঢাকা (তঁাকে বিজ্ঞপ্তিটি বোর্ডের ওয়েবসাইটে প্রকাশের অনুরোধসহ)।
১২. সহকারী পরিদর্শক, আঞ্চলিক কার্যালয়, বাংলাদেশ মাদ্রাসা শিক্ষা বোর্ড, উপ-পরিচালকের কার্যালয়, মাধ্যমিক ও উচ্চ শিক্ষা অধিদপ্তর, ময়মনসিংহ/চট্টগ্রাম/কুমিল্লা/সিলেট/রাজশাহী/রংপুর/খুলনা/বরিশাল।
১৩. অধ্যক্ষ/সুপার, বাংলাদেশ মাদ্রাসা শিক্ষা বোর্ড কর্তৃক অনুমতি/স্বীকৃতি প্রাপ্ত সকল মাদ্রাসা।
১৪. পি ও টু চেয়ারম্যান, বাংলাদেশ মাদ্রাসা শিক্ষা বোর্ড, ঢাকা।
১৫. পি এ টু রেজিস্ট্রার/পরিদর্শক, বাংলাদেশ মাদ্রাসা শিক্ষা বোর্ড, ঢাকা।
১৬. অফিস কপি।

মোহাম্মদ আব্দুস সালাম
উপ-পরীক্ষা নিয়ন্ত্রক (পরীক্ষা)

বাংলাদেশ মাদ্রাসা শিক্ষা বোর্ড, ঢাকা।

ফোন: ০২২২৩৩৬৫২৪৮

E-mail: dcexam@bmeb.gov.bd